

四庫全書

集部

欽定四庫全書

古今禪藻集卷二十六

明釋正勉釋性通同輯

明
五言絕句

秋夜

宗泐
五首

意外芭蕉雨簷前蟋蟀聲如將不平意相訴到天明
小景

孤村帶寒鴉遠山涵夕霧渡頭人未歸日落風吹樹

水竹居圖

山人水竹居畫圖看更好十年不歸來茅屋秋風老

湘臯烟雨圖

翠袖湘江曲秋林淚點斑冥冥烟雨裏不見九疑山

晚涼

晚涼池上亭坐來心似水雨過竹林青風吹豆花紫

偶題

無愠

流水不復返落花難上枝夜闌孤燭下心緒亂如絲

聞鴈

道衍五首

鳴鴈為離羣餘哀度水雲那知故鄉夜亦在客中聞

題畫馬

身被五花雲才超冀北羣莫教空老去須借霍將軍

題秋寺晚晴圖

猿將朔吹哀雲帶溪流駛相送獨歸僧蕭蕭夕陽寺

題許由棄瓢圖

獨坐雲深處迢迢遠市朝若知身是累應不棄山瓢

題獨釣圖

天高日華明江清水光動何事尚垂釣不入非熊夢

長安春日作

天祥

何事長安客春來思易迷樂遊原上草無日不萋萋

題竹

如蘭 三首

一夜竹窓雨秋聲入夢聞都將枝上淚灑徧九疑雲

題畫

扁舟出剡溪晴雪白如曉一時乘興來何須見安道

雨澗牛

溪岸野橋橫鳥犍帶犢行無人挂書讀雨外候春耕

足獻吉秋風南北路相別寺門前之句

普泰

身世本如寄去留俱灑然秋風南北路相別寺門前

湖上問梅二絕

文湛

四首

月下問花神羅浮在何許花不為我言幽禽代花語

其二

春光何處來只到西湖上問花花不言日暮空惆悵

春盡

斜陽穿樹林野屋臨溪水春盡不開門花落空山裏

江上

江頭落月明江上西風起歲歲芙蓉花開在秋江裏

扇上梅

慧明 二首

何處開能早江南未雪時月明不吹笛先折寄人枝

題畫

溪樹和烟綠
林花點地斑
誰家住江口
門對白鷗閒

送秋江上人

洪湊

落日長干道
君歸抱一琴
青山明月夜
何處有知音

送秋江上人

如霖

相見復相送
長亭柳色新
一聲風笛晚
愁殺渡頭人

送秋江上人

道樞

迢遞送行舟
西風鴈正秋
請看江上水
深淺似儂愁

偶題

明秀

九首

素琴不用絃山水意自適草長蘭葉深空林斷行跡

其二

人坐秋樹下月在秋樹上苦吟落葉空瘦影自相向

菊

寒花僧面黃開近禪床雨定起殊有情相對無一語

西巖夏日漫興

山盤春雨中筍味殊勝肉數日不窺園南風吹作竹

其二

牀頭泉影寒高臥晏未起日午聞敲門太守送祿米

題畫

江晚無人渡孤烟樹杪生野鳬飛過竹吹笛釣船橫

其二

遠火澹黃昏雁聲天際沒醉臥蘆花深孤舟半江月

書事寄子重

高壁落日明雨霽茶初熟美人來不來獨倚西巖竹

有懷

一夜江月寒夢斷孤鴻度芙蓉若含愁美人隔秋浦

芭蕉

永瑛 三首

芭蕉固無奇葉上報寒暑窓前三五株蕭瑟多風雨

萱草

萱草堂背物移種山園裏親在樂有餘親亡憂不已

避寇

避寇江村外衣單風雨寒一家四五口數日兩三餐

江村

法聚

殘陽在木末遠鳥下孤嶼漁舟歸未歸吹笛芙蓉渚

漫興

祖福 二首

鹿過溪水渾鳥下枳花落青山墮南窓白雲生北郭

梅潭

涼月挂寒枝幽葩照潭水仙姝啟香奩神蛟弄珠起

送宋元勳遊吳門

士墨 二首

迢遞姑蘇道嚴冬風雪繁水程宜早息客路易黃昏

其二

藥裹憐無恙慈親念倚門故園梅可伴莫待晚飛翻

題月泉圖

智鑑

水輪揚素輝湛湛涵空碧凝神佇立時萬籟無聲寂

題畫

道因

叢樹繞雲屋高岡對寺門我緣尋隱者放棹過江村

題月泉圖

月明影在地泉清光徹天何須分上下空寂是吾禪

相逢行

方澤 三首

相別歲易徂相逢春又暮莫學桃樹花遙遙逐風度

俠客行

白馬絡朱纓相將灞岸行花間逢劇孟自覺百身輕

少年行

薄暮過娼家金鞭指落花寧知征戰士白首在龍沙

少年曲送王生歸蜀

正念

已從三巴來復向三巴去借問行路難猿啼子規語

梅花庵訪懷梅山人

圓珂

四首

長者給孤園衆香吐覺樹昔承佛授記今住佛所住

其二

遶屋多梅花香風滿道城山人折一枝是色非是色

其三

客來莫問禪菴主少知解面壁不放叅直待虛空壞

其四

林香春日長白鹿銜花過關內人不知竹床正高臥

感遇

圓理四首

狂風夜中起吹我庭前樹風歇會有時花飛無定處

村中九日

黃花傳令節風雨對孤村落葉暮平砌寒燈深閉門

芙蓉詞

采采芙蓉花望君隔天涯秋風莫相妬吹落委泥沙

不斷雲

昨日雲在山今朝雲在地一雨還一晴無意成有意

題畫

戒襄

三首

有葉溪邊樹無名江上亭長吟秋水碧獨坐晚山青

鼓琴寄悅支

澗底春雲生木末秋濤起古調知者稀知音隔江水

促織

蟲聲何唧唧露寒泣秋夕羽薄不自煖空促他人織

雨過即事

洪恩 三首

一雨山如沐垂蘿覆深屋不見踏花人意外生新綠

其二

朝起自憑闌明霞燦如綺失却向時人鳥聲似他語

賦得山中水

溪清好飲牛不洗巢由耳只恐向人間汙合同塵滓

山行

宗倫 三首

日晏微雨歇幽草生清芬巖下風忽來吹落松上雲

其二

入澗水交流人語不相聞石潤土氣浮青山晝氤氳

旅懷

東吳隔千里歸計尚茫然忽見梅花發他鄉又一年

賣花曲

德勝

五首

長安花價高萬錢一花給花傍立飢人雙眼看花泣

獨坐

獨坐鑪香燼晝長不盡閒風含松竹影輕翠落窻間

看花

無花道樹好有花忘却樹看他花謝去還見樹如故

寄友人江西

昨夜相思夢尋君路不迷覺來思夢境身似到江西

采蓮歌

妾心如蓮子蓮花如妾顏蓮花外綽約蓮子苦中間

石門天塹

慧秀

二首

鐵花繡雙壁寶月逗中闕何代巨靈擘蒼梧雲際山

靈澤迴旋

錦磧銀溪遶珠崖碧樹圍但能防水蟻自可弄清輝

江郭

斯學

二首

日暮秋風高行人江郭裏晚色上衣來白月生野水

楓葉送人

吳江秋正寒丹楓映錦水落葉辭故枝行子去萬里

同周無遷看花

看花不看春春在花間繞指示看花人莫言春潦草

其二

竹綠花有神雨白花無興千株及萬叢幾時開能盡

其三

幾番花信風連夜妬花雨僧睡不知晴隔林報春午

其四

懷人賞春花花在人何處夜夜聽黃鶯難禁花開趣

採菱曲

明曠

五首

菱花清且香待老在橫塘何如浮萍草浪跡水雲鄉

懊儂歌

儂謂青雲姿蚤與富貴期富貴幻似影輕薄乃何為

別友

昨尋湖水濱今送丘山口山水無別顏行人自分手

鳳凰臺

雲木俯清谿臺空山鳥啼徘徊不能去斜日亂峯西

吉室城柳

臺柳數行斜春深解作花行人莫折贈種自帝王家

山居

法杲

六首

十載無相知平生一寒影世態不禁看蕭蕭雙眼冷

其二

雲去又雲來天地還常在後客復前客草店終不改

其三

前人愛花開後人惜花落待看明年花前後人非昨

其四

高蟬噪遠條螳臂尋聲至風忽斂餘聲羞此螳螂勢

其五

碧天寒已深晚露樹沾濕鳴蟬訴夕陽不道秋風急

其六

日朗時時照天高物物容碧潭清見底那得養魚龍

剪濤石

彰靜

片石挿江裁江流向石來一聲能作吼風急剪濤開

姚叔祥諸公過菴

廣化 三首

花下集輕舠門前立殘照問君君不言春風發長嘯

李陵望鄉臺

報國心未摧恥作匈奴客日暮臨高臺黃雲莽天色

題帆影閣

樓開谿寺傍天與谿樓景白日倒疎簾幾個風帆影

焦山三詔洞

通潤 三首

天書三度來高臥晝不起今人視古人空惜一江水

丹井

蕭蕭松栢枝落落垂寒影尚有負罌人臨花汲丹井

別峯菴

雲從翠微來人在翠微住有情與無情誰謂不同趣

村居

時從武塘來

通凡 八首

竹間獨立時涼風自相接回顧碧池中蜻蜓踏萍葉

其二

何物病維摩閒情得如許寂寞斜陽林黃鸝一聲語

其三

小憩向蓮池香風忽盈掌花含雨色鮮葉瀉水珠響

其四

詩成即放歌得書便高讀渴吻何由消幽澗已烹熟

江門

未出海門國遙遙見城郭江風四月寒衲衣尚嫌薄

錢幼卿朝霞館詩

遠樹無烟時前山未雲起散髮臨東窓衣裳半身紫

綠雲館

綠雲寒不飛夕陽共溪水主人日閉門相對幽禽語

其二

木榻掃寒聲石壁澹孤影坐久渾不知蒼烟落前嶺

寄黃羣玉居士

圓信

鼻嘗蒲葉香眼醉松花老相遇無故人空山有啼鳥

詠月懷親

明賢

是月能明漢無親不念兒只因兒念異反作路人期

餐英館

方擇

三首

木槿編為籬籬前菊盈徑空館讀楚詞餐英發秋興

東臯澤

處士卜居後相傳五百秋只今池館上猶有舊風流

村舍

花放槿籬秋清溪一曲幽門開楊柳岸坐可狎沙鷗

送屠儀部禮南海大士

弘灝

欲禮青蓮相寧辭海岸遥扶桑朝旭起霞襯錦帆高

芙蓉洲

佛引

洲渚涼風生芙蓉滿湖口既無十丈華安得如船藕

八月庭梅盛開

如曉
二首

堦葉尚迎風庭梅已先試未經霜雪欺那識苦寒味

敗荷曲

莫嫌荷花殘花殘多蓮子莫羨藕根香根香荷葉死

閒居

智證

香徑蘚花生陰檐藤葉綠日長不耐閒行溪看鷗浴

月下聞松聲

如宗 二首

月下聞松濤堦前問童子答言四無聲聲在青松裏

望行人

秦溪日暮雲秦嶺秋風樹山川雲樹遮望斷行人路

題譚梁生聊齋

廣化 四首

門穿小朶峯烟漾半湖水片席如不容讀書有譚子

其二

春風吹碧苔竟日懶門開一校沈冥理天機靜後來

其三

有鶴堪放舟有地多放竹巖樓知遠心寥寥一椽木

其四

雲有西竺峯泉有南屏松先生高倚廬日夕清天風

六言絕句附

三臺詞二首

宗泐 六首

年去年來易老花
開花落相催便是封侯萬戶何如儘
意三臺

采藥樓船久去傳書青鳥不來海水何時清淺蟠桃幾
樹花開

巖潭道中

古木灣頭魚艇夕陽山下人家風送一溪白浪秋來滿
路黃花

題竹

風過如聞玉佩雨餘似長龍
孫靜愛此君高致長日幽
齋閉門

山中小景二首

谷口松杉無路雲中雞犬誰家
仙客不歸春老洞門千
樹桃花

四山一片秋色坐客獨坐茅亭
渡頭紅葉如雨石上長
松自青

霜詠

道衍 三首

寒下千門俱白威侵萬木齊
僵凝結雖因曉露消鎔只
待朝陽

題畫

小小板橋樵路深深節屋人家竹塢夕陰非雨桃源春
暖多花

西垣詠竹

風動一窻秋思雨餘半壁蒼陰莫道未全高致相看亦

自清心

牧牛

如蘭 三首

平原芳草淒迷放牛朝出東溪長笛晚風三弄短蓑春
雨一犁

洗竹

愛此幽軒叢竹呼童洗出高枝不受霜欺雪壓歲寒獨
見清奇

採茶

為採雨前香茗從教露濕靈省石鼎煎來自喫胸中淨
洗六經

雪川道中

文湛

雀啄離離禾黍鷗眠渺渺汀沙茅屋烟村幾處蒼花溪
上人家

舟還二首

明秀

東家西家看竹南寺北寺題詩欲問出門高興山中猿
鶴幽期

晚筆青山剩語春沙白鷺餘杯兩岸落花芳草滿船明月歸來

燕京春暮寄山中人

正念三首

鳥鳴不鳴山靜花落未落春遲美人如雲天際芍藥空留一枝

蠶熟柔桑更綠鶯啼小麥初黃喫餅且隨燕薊縹緲空憶荆揚

堦下櫻桃滴滴南山梅豆青青及時為客不遠避地殊

方獨醒

秋夜雨坐

德勝

茅屋秋風高樹芭蕉夜雨空庭幽人兀然矮榻不悟宇宙沉冥

曉起二首

明曠
二首

霜色半庭蕪草空香滿壁藤花蚤起誰知靜者無言欲
凝毘耶

幾點星猶在樹成羣鴉已出村最是依微梵火居然掩

映松門

山居五首

法杲

于事或出或處在世若居不居夢去形骸外物醒來天地吾廬

嚴子灘頭釣斷陶令門前柳踈世路但悲失馬濠梁誰復觀魚

命伴隔溪呼鹿適興臨流飲茶風緩不飛松葉牀空落滿藤花

形是死生逆旅心為天地郵亭人智露盤漢武吾賢荷
鍾劉伶

衣服不規不矩松花于橐于囊卓爾道非楊墨樸然人
是羲皇

春暮

方擇

樹擁綠雲遶屋花飛紅雨侵簾客至試餘新茗閒唯松
塵頻拈

山居四首

契靈
四首

倚樹縛間茅屋刺藤自長籬
笆拾得半邊磁礮插此無
名草花

倦去石床草褥饑來飲澗餐
松榭笠有晴有雨繩鞋無
夏無冬

有幅畫懸當戶石橋苔徑幽
深雨後靛塗遠岫秋來赭
染楓林

密雪絕無人到迎風點起茶
鐺草火漸煨黃獨凍簷窻
溜無聲

焦山亭次譚梁生韵

正勉 二首

眉睫青霞縹緲胸次巢許日逢五字細吟啟閣案頭忽
墮千峯

抱影軒次譚梁生韵

臨水面山形勝翳然不異匡廬抱影何人獨往隴頭恐
致霍書

抱影軒為譚梁生


大壑 二首

激濫波澄短榻扶疎樹逼空廬抱甕何如抱影看山莫

勝看書

集山亭為譚梁生

隔林城市漸遠過渡漁樵忽逢遞檻芟香十里拍簾松
影千峰



古今禪藻集卷二十六

欽定四庫全書

集部

古今禪藻集卷二十七

詳校官庶吉士臣謝恭銘

主事銜臣徐以坤覆勘

總校官庶吉士臣倉聖脉

校對官原任編修臣勵守謙

謄錄監生臣蔣繼熊

欽定四庫全書

古今禪藻集卷二十七

明釋正勉釋性通同輯

明七言絕句

燕京絕句

梵琦七首

飛鷺不與鳳為儔
養子黃金屋上頭
山雀野雞俱入饌
此禽巢穩獨無憂

漆園山下塋車塵
冷水潭邊拜掃人
一種白楊千萬葉

空令兒女淚沾巾

昔者昭王未築臺應無樂毅劇辛來英名萬古垂霄壤
不惜千金養俊才

始入彤庭又捲班何心柱笏看西山鷺絲選對鸛鷀語
我與漁翁一樣閒

前日來看普慶花今朝零落委泥沙如何富貴為天子
不欲重生司馬家

小人藜藿便充腸丞相何須一萬羊賓客餘餐到僮僕

不知金紫是愁囊

玉帶金符樓上鍾有材長恨不遭逢
一年一度桃花浪
身是凡魚未化龍

掩關

來復
十首

稿木形骸百念灰
溪猿野鶴苦相猜
閑門獨掩青松雨
笑口逢人亦懶開

題陽關送別圖

三月皇州送珮珂
柳花吹雪滿官河
縱令渭水深千尺

不似陽關別淚多

題黃荃蘆鴈圖

稻滿秋田水滿汀黃蘆風急度寒聲太平江海無繒繳
不用呼奴夜打更

題趙松雪馬圖

振鬣長鳴產月支玉闕風急貢來時五花獅子真龍種
賜出黃門不敢騎

題宋徽宗喜鵲圖

黃沙風急蒺藜秋回首中原淚暗流
誤聽當時靈鵲語誰知舊喜是新愁

題夏珪風雨行舟圖

君遊南越我西秦盡日江頭採白蘋
無限波濤起平陸順風休笑逆帆人

好溪漁歌為趙知縣題

鷓鴣沙寒雪滿川歸來穩繫釣魚船
五更騎馬長安道不似蘆花被底眠

西湖雜詩三首

芙蓉灣口綠陰斜
吹笛何人隔彩霞
驚起沙頭雙翠羽
銜魚飛過刺桐花

寶網金幢變劫灰
瞿曇寺裏盡蒿萊
烏窠無樹山夔泣
不見談禪大傳來

荷鋤耕叟餉蒸藜
家住官塘九曲西
白髮強談兵後事
眼枯無淚向人啼

暑夜

宗泐

十一首

此夜炎蒸不可當
開門高樹月蒼蒼
天河只在南樓上
不借人間一滴涼

訪胡守中不遇

入郭尋君不見君
柴門開對一溪雲
空山積雪無行路
何處今朝友鹿羣

送人歸南昌

故人多在大江西
欲寄封書懶不題
昨夜東風吹夢斷
曉來無賴是鶯啼

道中

青石縣蘿花冪冪綠田分澗水泠泠人家深住黃犍塢
漁網高張白鷺汀

吳松江逢清明

吳松江上看春雨客路扁舟三月行兩岸人家插楊柳
不知今日是清明

畫梅

今人寫花不寫實古人詠實不詠花晉代清談多少客

羞將勛業向人誇

徽宗雪江獨棹圖

銀嶽秋深百卉腓
淒塵吹滿袞龍衣
淒涼五國城邊路
得似寒江獨棹歸

題蘭

溪寺曾栽數十叢
紫莖綠葉領春風
年來蕭艾過三尺
白首看圖似夢中

題畫

閒門寂寂掩芳春
坐看梨花帶雨新
鳥自白頭渾不覺
可堪啼向白頭人

偶作

竹外茅齋椽下亭
半池荷葉半池菱
匡牀曲几坐終日
萬疊青山一老僧

題天台歸老圖

白頭天外未歸人
江上看圖愧此身
閒却溪頭半間屋
桃花流水幾經春

題春山雨霽圖

德祥

四首

絲絲暖雨歇春朝
雲壓紅流落澗橋
欲覓桃花無路入
却聞風度玉人蕭

天平圭禪師書至賦答

姑蘇城下別兵前
水北雲南事可憐
一紙書來開不得
傷心猶恐說當年

風雨有感

風雨閉門三十日
年光虛度一分春
淒涼舊國鶯花夢

白髮江南有幾人

聽雨

半夜思家睡裏愁
雨聲落落屋簷頭
照泥星出依前黑
淹爛庭花不肯休

山居四景

惟則四首

林軒飛翠隔黃塵
瑶草吹香別是春
一卷楞伽消白晝
從教啼鳥喚遊人

坐對蓬萊小朶峯
池開五色玉芙蓉
靜中忽撥瑤琴響

清挹湘簾生晚風

草堂秋似廣寒宮
金粟花開碧玉叢
坐久不知凡骨換
天香清散月明中

茶罷焚香獨坐時
金蓮水滴漏聲遲
夜深欲睡問童子
月上梅花第幾枝

偶成

自恢

金沙溪上柳條齊
白鳥羣飛落照低
十里荷花紅勝錦
好山都在畫橋西

寄芥室和尚

普莊 二首

底事懷歸思不堪夢魂長繞綠蘿庵
白頭遺叟空山裏知是何人侍夜談

古韶為頃侍者作

太始希聲奏九成曾聞祥鳳舞虞庭
金舂玉應三千載不是知音不易聽

題班婕妤題扇圖

道衍 十六首

玉容憔悴暮偏饒羅扇題詩恨莫消
不是恩情中道絕

西風昨夜到芭蕉

題菊花圖

三徑歸來已就荒
茅齋觴詠足尚羊
籬邊更有琅玕樹
不使秋英獨傲霜

秋蝶

粉態凋殘抱恨長
此心應是怯淒涼
如何不管身憔悴
猶戀黃花雨後香

鄭氏隨夫謫嶺南
夫死蒙宥釋歸事姑

夫死南荒志不違八千里外為姑歸瘴烟歷盡芳肌瘦
寬却隨夫去日衣

清明日郊行見拜掃人有感

累累塚傍水邊村新已多荒舊幾存松檜盡期高百尺
紙錢誰挂到曾孫

訪王山人不遇

柳烟簇簇護雙扉江竹環居水鶴飛不恨我來君已出
只愁我去恰君歸

題宋徽廟雨餘桑燕圖

桑葉離離雨後肥
輕輕雙燕縱翻飛
自慚微物經宸翰
可是君王日萬幾

贈畫士李居中

丹青入妙鬢毛皤
聞道前朝用禮羅
能事但求真識賞
感恩不在賜金多

常山王廟

征南籌幄豈尋常
功烈應封異姓王
黃鶴不歸人世變

廟前松栢飽風霜

題東坡化龍竹

渭川千畝未為奇
獨羨坡仙掃一枝
後夜風雷頭角露
看他行雨過天池

井陘淮陰侯廟

擊趙提兵聚井陘
道傍古廟獨存名
可憐千載難言事
都作松風澗水聲

寄楊勉

年華一去似江波爾髮如雲我鬢皤最是人生堪恨處
會時恒少別時多

題雪梅雙鷺圖

孤山山下雪茫茫雪裏寒梅已早芳雙鷺飛來花底立
却憐同色不同香

題畫菜

雨餘盈圃嫩還柔小摘調羹玉糝浮不識此中滋味好
東坡焉肯友元脩

竹枝詞

烟消日出江水流
江風搖蕩木蘭舟
故園望斷不得去
楊柳蒹葭又早秋

榆城聽角

十年遊子在天涯
一夜秋來又憶家
恨殺葉榆城上角
曉來吹入小梅花

題公子夜遊圖

如蘭六首

少年樂事不知勞
馬上回頭夜月高
寂寂柴門人望久

何為風露滿征袍

陶潛賞菊

陶令休官歸去來不知三徑已蒿萊
秫田釀熟柴桑酒自有芳尊對菊開

題畫

漢陽城郭枕江開黃鶴樓空鶴未回
有客善題鸚鵡賦可憐黃祖不容才

白露橫江水接天船頭秋月向人圓
夜深忽夢西飛鶴

驚起黃州赤壁仙

遠人新卜錦城居
南埭鷄鳴曉趁虛
風攪落花簾半捲
燕泥吹污讀殘書

題水仙

凌波微步佩珊珊
宴罷瑤池夜色闌
八石瓊漿酣未醒
金盃傾側露花寒

郭璞墓

道遐二首

青囊秘術久無聞
水際空傳郭璞墳
此日題詩因弔古

夕陽沙鳥自成羣

烟雨奇觀亭

江頭烟雨畫溟濛
水色山光淡復濃
詞客倚闌看不厭
恍然身在畫圖中

偶題

慧鑑 二首

風篁巔上看山色
飲馬橋頭聽水聲
靜者老來無定力
只隨聲色隊中行

飲馬橋在
龍井山下

題梅川小隱

幾樹寒梅春的的一川流水夜潺潺恐渠漏泄西來意
靜把柴門深掩關

寄心源法師

大同二首

不覩吾師十載過別情爭奈道情何
蔗苗蔗出為宗本
茂衍全憑雨露多

題梅竹為王士奇賦

笙簫聲咽月方曉
永玉花開春不老
夜深乘興雪中看
竹外一枝斜更好

聽松石

太初二首

一曲松風奏月明無絃琴裏韻尤清
茅山聽得青牛化
千古愁雲石上生

隱峯禪師塔

隱峯倒化石巖前筆立裙衣上聳天
良妹已收靈骨後
石幢高樹在峯巔

和翼夫先生韻

景隆四首

一行征旆一輕帆江上寒潮尚未還
唱徹陽關三疊後

扁舟又過富春山

西湖餞別送翼夫釋服赴京

十里湖光映碧天
六橋楊柳弄晴烟
殷勤為問青雲客
何日重來上畫船

題畫

橫斜疎影浸漣漪
天際初昇月半規
孰謂林逋仙去遠
暗香依舊似當時

月下坐石

惜無精舍坐磐陀只有蒼松掛薜蘿
入定既深忘出定獨憐明月照巖阿

宮女讀書

懷讓 三首

院院燒燈似月星笙歌一派隔銀屏
垂簾正誦周南什不省羊車過後庭

送東軒師北行

筵前春水暖拖藍桑盡吳門已浴蠶
唱罷驪駒人不見綠蕪烟雨滿江南

南北相違路四千不知重會是何年
得錢買得支郎馬
同向青雲著祖鞭

孔明書院

普泰

當年三顧此曾臨
廟貌猶存蔓草深
千古白河朝碧海
可能流盡出師心

元夕有感

正淳

禁鼓無聲起麗譙
萬家燈火樂元宵
青衿看到頭如雪
不照繁華照寂寥

題湛上人房葡萄

德岷 三首

昔年方外有仙翁
飛佩曾過海若宮
拾得驪珠三萬斛
至今流落在秋風

梅

驛使南來有信通
相看疑是夢魂中
千金我欲留春住
無奈高樓一笛風

白頭公

春情脈脈睡朦朦
不道花飛滿院紅
綠髮漸疎明鏡裏

可堪吟對白頭翁

秦淮橋

文湛十二首

秦淮兩岸夕陽明
路遶青山客自行
六代英雄何處去

寒潮還打石頭城

烏衣巷

朱雀橋西又夕暉
行人猶自說烏衣
舊時王謝今何處
惟有東風燕子飛

訪鄔雲槎次韻

斷隴荒岡日易低
蘿烟竹露共淒迷
少陵茅屋無尋處
惟聽春林杜宇啼

見海上人家作寄友

海屋蕭蕭八九家
半臨潮水半臨沙
荒烟野戍無雞犬
只有青山映晚霞

題月堂精舍

雨後青苔路不分
柴門竹裏映斜曛
松花落盡無人到
只有山童掃白雲

題畫竹

楚天涼雨畫冥冥
秋影生寒落畫屏
我欲截成雙鳳管
月明吹與海龍聽

天台道中

地接金華石路新
春風瑤草淨無塵
數聲雞犬烟霞晚
落盡桃花不見人

綠楊紫燕圖

紫燕雙雙掠水濱
綠楊裊裊不勝春
朱門華屋知多少

記得誰家是主人

西湖雜詠

宋家宮闕已蕭蕭
滿目殘陽照野蒿
獨有兩峯清不了
至今南北插雲高

題畫芙蓉

江邊誰種木芙蓉
寂寞芳姿照水紅
莫怪秋來更多怨
年年不得見春風

漁婦詞

陶儂家住太湖邊
出沒烟波二十年
不願郎身做官去
願郎撒網妾揺船

山居

千巖寂寂磬一聲
禪榻高僧定初出
不知疎雨過中峯
飄落山花滿庭濕

弔梅庵處士

廣墩七首

清溪曲曲石橋斜
行近梅庵處士家
門掩東風人不在
一聲隣笛滿庭花

枯木竹石圖

珊瑚曲曲倚雲根
烟雨晴時見淚痕
生死榮枯終不變
底須吹律喚春溫

刺少年二首

東風淡蕩日遲遲
花柳叢中把酒卮
生長不知征戍事
幸逢寰宇太平時

青絲玉勒錦鞍韉
覓得同遊盡少年
不念倚閭頭白者
夕陽沉醉百花前

畫眉

深谷虞羅不見尋
暖颼晴旭出喬林
雙眉不用長描畫
自在花枝弄好音

寄友

道本無言德有言
著書誰似仲靈賢
松脂明勝金蓮炬
閱到非韓第幾篇

晚投村舍

小橋曲澗竹籬門
茆屋人家遠近村
淳樸有餘文不足

盡情談笑到黃昏

梅

廣原 二首

千巖萬壑路誰通
氣節森森冷澹中
欲學桃花好顏色
未甘低首向春風

蘭竹

鼓瑟湘靈不可招
黃陵落日路迢迢
孤芳一種無人問
春雨春風轉寂寥

梅

思鏐

傲雪禁霜老歲華
月明影弄一枝斜
東風獨立孤山表
壓倒江南無數花

讀御題作

鳳陽僧

御筆題詩不敢留
留時日夜鬼神愁
常將法水頻頻洗
尚有文光射斗牛

蜂投蛛網

寶明二首

平生賦性太顛狂
遊盡名園竊盡香
今日誤投羅網裏
脫身全賴探花郎

漁樵邂逅

君作樵兮我作漁
青山君住我溪居
溪山偶爾成佳會
酒有松花食有魚

竹

慧明

黃陵廟西落日低
苦竹蕭蕭路欲迷
腸斷九疑何處是
隔江烟雨鷓鴣啼

送湛秋江上人

文博

明月長看少半邊
人生容易雪盈顛
孤舟謾問秋江別

楓葉蘆花惱客眠

送友遊金陵

廣琛

送君遠到石頭城
閒訪名山靜訪僧
晉代衣冠今寂寞
鳳凰臺上不須登

送秋江上人

慧照

收拾奚囊出海城
桃花雨歇近清明
小東門外多楊柳
欲綰長條繫別情

送湛公

雨中人發暮江頭
烟浪茫茫恨不休
今夜孤舟何處泊
一聲寒雁驛邊樓

二聖對談石

覺玄 二首

妙德弘開向上關
維摩一默不輕還
對談若謂無言說
風雨依前點石斑

飯仙山

山頭紫氣日長浮
上有仙人汗漫遊
餌菊換教風骨異
白雲影裏去悠悠

寄秋江湛公

福辯

鯉魚風冷雁啼霜老盡芙蓉菊又黃
清興滿懷禁不得
且題新句寄支郎

寄友

祖軒

去年曾上瓜州埠江水東流雁南度
漁燈一點遠依微
正是離人斷腸處

寄秋江

文曜

春去春來西復東
花開花落不相逢
誰知昨夜尋君夢

直到廬山第一峯

前題

明璿

薜蘿茅屋許人尋
樹裏詩成竹裏吟
更向山中眠白石
看雲出岫兩無心

詠黃鸝

雪庭

多情自信惜春光
飛入園林錦繡鄉
記得小窓驚我夢
滿庭紅杏帶斜陽

寄沈石田

西湖僧

寄將一幅剡溪藤湖上青山畫幾層
筆到斷崖泉落處石邊添箇看雲僧

扇圖

景昂

江帆杳杳江樹青鳥飛不見雲山冥
欲吹長笛送春水風雨魚龍難為聽

王十岳金平澗山寮避暑二首

果斌 三首

小隱空山絕四隣野雲孤鶴自相親
誰知一徑深如許猶有敲門看竹人

二仲探奇過草菴
簾與祖褐似陶潛
臨風莫把珠璣唾
恐有蛟龍在碧潭

得勝州阻風寄三石公

兩日停橈蘆荻洲
驚雷挾雨漲春流
推蓬一望東風惡
白浪高於黃鶴樓

偶作

無名釋

霜拂金鞍墜玉腰
雞聲催入紫宸朝
何如林下飽清夢
月在半窗松影搖

臥雲菴

法光

臥破白雲不在山終朝無事樂閒閒一聲清唳松頭鶴
格外風光那可攀

煙霞寺一百七歲老僧

明秀
十三首

垂老猶疑寶掌翁一龕枯坐萬山中閉門不管春來去
芳草落階棲落紅

答鄭少谷

五月書來得好音匡床松桂自高林只今四海求賢達

高臥寧容學漢陰

方洲張公二姬雙節

交節雲鬟為主恩
鏡臺花落洗頭盆
同心待死芳洲上
霜月寥寥夜到門

其二

縞素沈沈抱所天
死心已在剪刀前
主家樓上孤燈淚
同灑秋風四十年

觀下竺王叔明畫壁

千巖萬壑倚天開
風雨蒼蒼半壁苔
吟苦不知山月上
只疑黃鶴又飛來

槿花

種時不是為花開
祇為編籬護竹胎
何事朝開暮還落
却教蜂蝶誤飛來

普賢像阮圖

靈山獨唱久茫然
賴有鷲膠續斷絃
末世無人知此調
野花零落象王前

過孫山人故居二首

溪邊野竹映寒沙，茅屋青山處士家。
燕子歸來寒食雨，春風開徧野棠花。

歌殘桂樹小山空，野鶴孤棲自一叢。
萬里中原歸不得，空餘長劒臥秋風。

高郵

白頭黃帽破霜裘，賣力能操半夜舟。
湖月低城湖水白，忽聞人語過高郵。

平原縣

名姬一劍斷春魂
珠履三千復在門
蒼莽烟墟沙縣外
猶看界石說平原

遣興

白雲流水度虛屏
小坐池邊眼自醒
春事不知渾入夏
青蟲無力墜槐庭

平望道中

兩岸青山日半銜
洞庭天水碧相涵
東風正報桃花信

湖面歸漁網作帆

題院壁

永瑛八首

自愛青山常住家
銅瓶閒煮壑源茶
春深白日巖扉靜
坐看蛛絲罨落花

聞潮

閒倚青松讀古詩
杭標雲書舊相知
山僧不刻蓮花漏
潮白江門報午時

柳塘

千樹垂絲兩岸烟
綠波春雨白鷗天
江鄉不近章臺路
留得長條繫釣船

采山藥子煎茶

石洞松門帶夕陽
自攀青蔓采秋霜
大官尚食知多少
不似山廚意味長

戲贈阿師

瓦竈松鑪自一家
阿師炊飯我煎茶
祇應心地無煩惱
好向山中度歲華

宿夢石房

坐久青燈結暈紅紙窗寒逗落花風西齋試與吟春草
夜半開門月正中

晴湖為嘉禾友人賦

岸芷汀花映夕暉柴門秋水抱漁磯一聲長笛秋波渺
人在五龍橋畔歸

愛筠為蔡惟心賦

南園赤日不復熱北牖清風時送涼昨日鷓鴣啼暮雨

數枝新綠過山牆

畫馬

法聚八首

飲水春前御柳陰
玉沙芳草落花深
也知惠養須良圉
莫失千金買骨心

送遠碧峯歸太湖碧巖寺

遠公卓錫妙高峯
烟水湖山第幾重
木榻梅花深院寂
坐看春月照芙蓉

雷篆

善權寺創自唐之大中間柱
有雷火篆書共一十七字

聽法天龍百萬俱空山
曾駐阿香車千年畫棟留遺跡
雷火蒼烟祕玉書

題釣臺圖

江空落日暮雲迴
峽束飛帆樹杪來
漢業獨餘風月在
青山十里釣魚臺

定菴

靜裏蒲團自草堂
道人心跡與雲忘
湘簾不卷夜如水
唯有梅花月到床

栢垣羽士

丹府宮牆栢四隣倚空寒結翠雲新為憐顏色冰霜後
不見玄都觀裏春

留別錢後泉

落盡梅花恨未平挂帆烟渚雨初晴歸雲易卷湖南夢
遠樹難忘渭北情

送曉庵歸廬山天池

香花一月祖庭春獅子巖頭忽送君廬嶽不禁飛動意

杖藜有約看秋雲

西樓夜聽謚師彈琴

湖上千峰雪未消
天風颯颯捲寒濤
窓前夜半梅花落
人倚西樓月正高

小景

野色蒼蒼江日殘
水清沙碧蔣芽寒
孤舟吹笛前村去
屬玉低飛過別灘

病中聞杜鵑

苦竹泠泠沙水西春風又聽子規啼空齋藥裏人猶病
愁絕三年落日低

天台道中

如本三首

翩翩雲錫入雲根路轉千盤水竹邨為問石梁何處去
樵人指點過方門

西行山店水分流歇足聊棲紫竹幽夜靜不知天已白
數聲啼鳥萬山頭

山行止渴到梅林流水閒雲無住心從此西盤千萬嶺

逢人莫問幾多深

古今禪藻集卷二十七

欽定四庫全書

古今禪藻集卷二十八

明釋正勉釋性通同輯

明七言絕句

山居

道濟

蘿薜成門掣不開
深林曲徑少人來
晚來風起雲飛動
無數松花點翠苔

過岫嶠山房

良縉

翠竹蒼松帶草堂
白砂丹井夜流光
橫橋獨木通縣澗
即是天台古石梁

對雨懷周山人

方澤
七首

鷓鴣啼過越王臺
五月江南雨不開
莫是長安偏近日
坐令遊子不歸來

老兵行

長隨驃騎度交河
雨雪天山夜負戈
莫怨歸家貧到骨
黃沙白骨不歸多

溪莊即事呈閤怡雲講師

霜過西堂布被重
江頭楓葉想應紅
天明自起看霜色
不在江頭在鏡中

臥病

秋風投錫傍鷗沙
多病維摩髮漸華
應有異人來問難
滿溪黃葉試天花

過方十洲使君新第

使君新第爛晴霞
簾捲山城萬樹花
飯後異香浮不散

祇疑身在淨名家

送玄岳入京

故人多半在燕京
病裏逢君話北征
可是秋來無定力
千重離思一時生

禪房海棠次鍾使君韻

芳心消歇澹無香
聊作深紅舊日粧
為接上方清淨品
未知洛下有花王

臥龍潭

圓珂四首

曾聞潭上起腥風，獨臥冥冥雲自從。
何日為霖忽飛去，獨存碧水照寒空。

秀峯菴阻雪

夜半山僧誦法華，桓因忽散滿天花。
曉來南望天台路，玉積新昌幾萬家。

送慧天上人西歸省親簡南明汪司馬

北風颯颯雁南飛，見爾來時又說歸。
此去倘逢司馬問，為言病骨不勝衣。

雲西為玫上人賦

石鉢龍歸山竹暝樓臺縹緲非人境翠微深處但聞鐘
夕陽不見千峯影

朝陽補衲

德寶

脫下伽梨曝法身一迴修補一迴新永嘉大士曾堪笑
向道身貧道不貧

聞鐘

圓理

三首

曉夢醒來事若何半窓殘月在松蘿殷勤聽到無聲處

紅葉滿庭秋思多

項少岳有別花首倡因成代花留謝之作二絕以
貽之

倦倚雕闌日半曛
謾堪傾倒又離羣
自緣人世炎涼促
不是勞心不戀君

留君不住思淒其
空有朱顏向客低
慚愧東庭舊時月
依然來照綠窓西

曉過橫塘

戒褻

四首

半幅蒲帆九里汀
石湖秋水接天青
舟人指點蘼蕪外
一帶青山是洞庭

即景

久雨苔痕上衲衣
綠陰深處閉巖扉
鳥銜果核當檐落
蜂抱花鬚出苑飛

早夏

四月松花開滿山
陰陰榆莢覆柴關
蒼苔庭徑青春晚
紫燕翻簾白日閒

山家即事

殘碑有字封苔蘚
古屋無茅補薜蘿
昨夜千山風雨過
朝來一逕落花多

咏庭前牡丹

隆淵

自入空門不染塵
翻嫌富貴俗花神
魏姚黃紫今何在
不及禪房別一春

牽牛花

株宏
六首

朝著青衫午著緋
夕陽無復午時衣
榮光過眼真成夢

巢父從來不飲溪

陶朱

戰罷潢池鬢已皤綠蓑青箬任烟波功成莫謂長安樂
安樂須知患更多

留侯

魂驚博浪命如絲誰料終成帝者師萬戶滿心方解組
赤松嫌我已歸遲

穆生

鯨腸魑腹量難平
常感君王設醴情
故谷小溪春溜碧
欲烹新茗滌餘醒

子陵

不脫芒鞋入帝閭
一衾春夢眷懷深
星臺祇恐章頻上
未必時時念故人

淵明

塵網依依三十春
昨非今是不須論
息交豈獨忘知己
為愛吾廬夏木陰

重遊光德菴

真可六首

流水桃花大士家道人曾此泛仙槎
白牛塘上聞吹笛歸去兒童日已斜

贈聊城姚國賓

柱史歸來一篋霜其誰問疾到東昌
汾河片影巢陵月千里關山不盡光

過天目山活埋菴

自古名高累不輕飲牛終是上流清
吾師未死先埋却

又向巢由頂上行

禮高峰祖師塔

二十餘年抱死關
那來魂夢落青山
臨行白骨無藏處
擲向金毛舌上安

過楞嚴廢寺有感

百花叢裡畫樓新
玉女憑欄天上春
明月一輪簾外冷

夜深曾照坐禪人

詩傳誦久之後
感郡守恢復焉

曇旭鑄法華鐘成賦贈

沿門乞得萬斤銅次第靈文鑄七重一撞一聲經一部
天寒莫怯五更風

大姑山

德清十一首

霞帶雲裳月偃眉江湖滿目少相知寒流徹底心如洗
莫問夫君是阿誰

舟抵南安

五雲一水入南安萬疊山迴六百灘行到水窮山盡處
梅花無數嶺頭看

抵雷陽戍所

瘴海嵐烟日夜浮
龍蛇氣吐混清流
到來盡是無生國

愈見君恩不易酬

憶廬山

東林白社許誰開
三笑行蹤長綠苔
但使蓮花根蒂在
他年應自有人栽

望夫江

在英德傳云昔有丈夫入京不歸其妻每望江頭竟死化石沉江至今在水

自君一去望神京
每日江頭涕淚傾
身化石頭心似水

至今嗚咽斷腸聲

軍中吟

鐵甲天教當敝裘從軍元不為封侯身經赫日如爐冶
傲骨而今鍊已柔

緇衣脫却換戎裘始信隨緣是道場縱使炎天如烈火
難消冰雪冷心腸

憶家山

萬竿竹繞舊菴居樓上仍懸讀徧書夢見四簷青不改

何來霜雪滿頭顱

軍中喜得膠西趙仲子書却寄

白雪飛來入瘴鄉
灑教毛骨頓清涼
却憐萬里炎荒外
儼對松陰坐石床

示雲中遠禪人

當年一鉢走雲中
別後音書久不通
遥憶故人相對處
此心一片付歸鴻

示若野禪人從黃梅走南岳復叅經山

遠從南嶽覓行蹤
喜得黃梅一線通
別向五峯相見處
萬山雪擁白頭翁

不二樓

鎮澄
二首

談經人在翠微中
縹緲烟霏隔幾重
欲寄此心無可托
長隨片月挂西峯

蘭若寺

清涼北極太行峯
望入烟霄紫翠重
日暮白雲飛不盡
幾回敲斷夕陽鐘

弔梅花道人墓

如海

小池雨後水蛙鳴如對梅花話道情我亦乘閒來到此
折松拂石坐聽聲

答馬行素

真謚 二首

春風吹雪滿空山樹下頭陀獨閉關有客到門眉盡白
乍看難辨季常顏

秋日過舊里

蘋風蓼水進輕舟茅屋田家具黍留鬪草舊時童子伴

相看白髮較春秋

送靜淵秀公北上應南宮劄

洪恩
五首

日麗鶯花雪正消
綠楊新水映河橋
支公忽下雲中詔
首着初肥去馬驕

送怡舟上人入洛省覲二首

風落疎林木脫稀
十年飛夢向庭闈
一聲清磬能相喚
衲帶寒雲片片歸

寒雨孤舟戀別時
千山遥慰倚門思
懷中自解神珠用

不羨園林橘柚垂

送門人月公

黃梅初熟子規啼
憶爾輕帆到九溪
有夢不須桃葉渡
青山應待白雲棲

送徒從師還薊北

寒梅未放雪先飛
送爾從師薊北歸
萬里洪流終到海
此心相向不曾違

送無相慧菴二公歸白門

如愚
四首

中年薄技忘時名縱有高言世所輕君去好看融道者
獻花巖畔鳥猶鳴

江邊

一江流水半江烟春色芬菲盛眼前上下風帆爭愛寺
寺僧又愛往來船

過廣印菴

雲歸遠壑鳥歸村僧過橋頭寺掩門風雨夜來上下關
溪邊流水積花痕

程野樵山居

野樵新安人善岐黃術及丹青詞賦云

草蟲松鼠竊葡萄
寫出翩翩適興高
更喜天晴遊翰墨
牀頭月上點離騷

郊居九日

斯德

閒門秋艸澹霜華
斷岸浮橋夾水涯
空外忽聞先到雁
籬邊聊採未開花

栽桃柳偶成三首

僧悅 四首

不學黃梅老種松
桃花猶惜一時穠
偶移春色青蒼下

笑殺磐陀石上容

灌木還同抱甕人不將機事亂吾真雲中一色桃源路
風景依稀似避秦

一枝一葉柳如烟妬殺桃花色可憐正是春光好時節
無人問字到門前

懷古

清秋何負碧雲期上蔡東門憶李斯獨向夕陽千載墓
西風黃葉使人悲

嘉禾與化兄話別

廣詢

長水逢君君更賢
武林猶記說周旋
土橋一片清秋月
曾向幽居幾度圓

題釣魚圖

德勝九首

江湖天地別逍遙
來往舟隨進退潮
錯餌投綸儘成貫
宜知君不釣揚鱗

閏九日

漫興重逢九日豪
三秋懷抱兩登高
菊花著意聊生事

留得餘黃照皂袍

寄友

一方卑濕數椽居風雨床頭破壁餘
客到自嫌吾品俗
嵇康何用絕交書

謝友人繪藕花社圖

道人精舍藕花深細水涼風淡拂襟
彷彿攢眉來作怪
悔教形勝似東林

補海汎詞三首

有引

定海關外楊周等山守汛諸兵風境淒感古今詞客
多有出塞涼州等作而畧東南邊海之苦余竊不滿
聊補古人之缺題故云補海汛情見乎辭

百萬人看青海月兩三寇嘯白旗風洪濤怒激雪山立
落日夷歌別島中

羽書南海報猖狂守汛樓船黑水洋忽聽島夷螺哽咽
氣衰一夜鬢如霜

萬艘斥候海天愁慘慘陰風夜不收骸骨入關生死願

漢家無地盡封侯

送友歸南京

蘋花江上暮帆開
歸去三山二水隈
若到家鄉消息定
望君千萬寄書來

送陸二西赴洛陽吳明府聘

十月寒風霜正華
君今書劔又離家
洛陽富貴原如錦
好賦春來萬樹花

答道可

德彥

緩急無才不必論
豈能一諾重乾坤
詩禪自是同方外
何事綈袍世路恩

過嘉則先生故居

佛引

花塢萋萋草亂生
林間拄錫不勝情
寒郊向晚松風起
都作山陽笛裏聲

山居遲休明不至

圓復

茅菴寄在白雲曲
十畝長松挂朝旭
問君何事負幽期
望斷江千秋水綠

雪中送悟虛師

如曉九首

滿船風雪一溪水
漁入深蘆釣不能
兩岸青山供冷笑
夜寒落魄獨歸僧

春暮

雨過郊原盡落紅
柳絲無力繫東風
春歸何處迷雙燕
寂莫梨花小院中

閱史

風暖雲輕獨浣紗
一溪流水殢桃花
蚤知不是真相識

何事尋春到若耶

醉臥王氏梅花亭

獨領東風向客開
滿亭香氣襲蒼苔
醉看月下疎疎影
疑是孤山放鶴來

贈崔潛叔讀書蕉居

負笈西來借一枝
滿窓生意許誰知
欲窮千古男兒志
正在芭蕉著雨時

宿碧桐館期毛脩之不至

山館寥寥夢未成半窗孤影一燈清不知今夜寒多少
數盡床頭落葉聲

對雪

千峯積雪景模糊謾啟山窗寫畫圖半點墨痕消不得
擬將何地下工夫

抱影軒

幽懷絕勝不可數空翠滿簾接平楚把書高枕春不知
借宿白雲暫相許

焦山亭

衆峯環繞亭石孤登臨宛若羣仙呼振衣翹首一撫掌
松頭棲鶴歸來無

山居

法果 六首

霜儂易使繁華老垂名何似藏名好年來蹤跡萬峯深
四壁寒雲一庭草

青溪綠樹橫紫煙春將盡時花倍妍舉世都稱眼能視
幾人看到飛花邊

何處輕舟破遠烟
晚來橫泊寺門前
可能趣此南風便
送我江頭摘水仙

春風處處聞啼鴂
須防蚤晚春風歇
欲落不落鶯自知
一樹桃花過三月

人生百歲詎無涯
老去何當事若麻
春日不消頭上雪
春空又贈眼中花

纔見黃鸝又暮春
竹門我閉亦經旬
多情最是溪頭水
流出桃花引世人

辭沈中丞

傳如

不解談禪不解文
支頤兀坐對斜曛
年來病骨千金重
出岫無心愧白雲

過郭次甫故居

明賢
五首

昨夜江風散白雲
蓬萊宮闕路氤氲
道人何處吹長笛
翠栢空留鶴一羣

高閣雲烟路幾層
半空斜月挂枯藤
依依白石空餘字
洞口跣趺是老僧

送僧歸梁溪

峯烟漠漠水雲低
欲挂輕颿日已西
江月照人人不住
隨風一夜到梁溪

石梁洞

長虹斜挂紫雲端
拂檻飛流六月寒
謾道石梁餘虎鬪
至人皆作石頭看

卓筆峯

孤根獨立向天中
神斧何年截管筒
淡墨每含雲氣濕

點成星斗散虛空

詠上真宮古松

大壑八首

為愛孤松立講臺
參天寒影落蒼苔
自憐萬壑千峯裏
莫引秦皇避雨來

自富春渚至新安舟中即事

空林霜葉絢朝霞
掩映丹山碧海斜
兩岸落紅高一尺
前溪莫近武陵花

帆帆背雨入雲峯
處處迎谿急暮春
鄉客滿船看欲笑

自言生長不曾逢

十日蓬棲水宿寒溪山猶未入新安不知今夕天涯夢
飛過前峯第幾灘

自九龍潭渡苦竹溪出湯口

洞寒潭碧雲出奇湍激石梁山亦移赤脚欲踐磴巖滑
長嘯忽驚龍背馳

花源竹塢稀人烟燒梨斫木年復年地靈久秘若有待
重來吾欲棲其巔

鶴羣衝起寒相呼欲雪未雪天模糊蓬壁忽高一萬丈
烟書雲篆今有無

金光草嫩玉芝肥石髓洩雲時濺衣三十六峯行欲徧
溫泉獨澡夜忘歸

惠香

廣化

五首

鉢雲龍宿水沉沉月上磐陀樹裏陰夜半心空人坐起
不知身入衆香林

答友惠酒頌新刻

何處春風撲我懷
梨花字字吐香來
野僧翻笑禪無力
五戒無端酒戒開

晚次毘陵驛

城邊暮雨掩殘罾
野店黃昏颭客燈
風俗他鄉曾不識
隔溪人指是毘陵

夜泊許墅

落日寒橋不放船
綠楊漁火夜炊烟
雲萍固是僧行脚
闕吏何曾索渡錢

昭關 子胥度處

江邊流水岸頭山夜半蕭蕭竊度關誰謂將軍身便死
白雲生氣廟門間

靈光殿

慧秀

繡柱盤龍玉作榱錦雲封遶碧琉璃千秋壯麗傳詞賦
此日靈光照黍離

范蠡湖

霸越吞吳計萬全不圖分土不尋仙如何只載西施去

高積黃金陶水邊

題千指菴

如奇

劈面羣峯漾白雲捲簾霄漢欲平分就中古曲誰能唱
千指頭陀坐晚曛

贈繆太質

方擇三首

從教海內盡稱狂縱酒科頭自不妨醉倒幾竿秋竹下
醒來斜月半林塘

題畫

檻前竹色帶疎籬
老樹茆堂落照移
風送櫂歌何處去
蕭蕭蘆荻滿江湄

新秋

草暗檐前螢火稀
樹間孤鳥宿還飛
空庭坐久宵將半
不畏寒生露濕衣

山口鎮

性通
二首

一湖綠水浸秋山
破屋編茅止半間
舊住老僧愛閒靜
閉門經月不開關

過於菴

岡巒深隱一茅茨
小徑行來草露滋
蒼翠逼人松竹蔭
綠楊堤畔藕花池

四月村行

契靈

六首

悶雷焦日穿衣惡
飛鳴撲眼蟲無數
新筍參差直上天
野桑稠密遮行路

江上竹枝詞

驚鴻嘈雜蘆葦津
飄葉短風吹角巾
輕舟搶入淥波去

漁笛一聲江月新

湖上竹枝詞

西湖楊柳拂烟輕
根在道旁隨處生
一夜花飛來水面
許多團菜化浮萍

春晚村行

青桐柴筍高低岸
茅屋板橋三四家
蹇牘自歸春巷晚
小童斜插野藤花

山中仲夏有客見訪

興到尋山不待秋溪深五月正披裘孤松落日蒼苔上
對坐無言看水流

孤山弔古

梅花寒月影離離香暗黃昏總自知只今半作桃花色
不是先生放鶴時

山居

圓信 三首

秋光一度已將殘野菊無香木葉乾入骨半窓寒雨過
愁人不在布衣單

青山茅屋洞雲齊石壁烟蘿鳥合棲誰道我年三十五
一身禪病爛如泥

青山木葉落秋風點點東籬菊未豐竹戶夜來雲共榻
想渠也愛草菴中

山居

祖印

相忘棲息在寒巖草長深深曾未艾當見海門天色好
晴沙遠樹數風帆

花朝日與雲聲菴印公

明湛

春風滿徑竹為關
短策扶雲任爾攀
海色朝飛青玉塢
江潮夜漱碧桃灣

贈遵上人

廣製

朗公性愛烟霞好
數樹烟霞伴公老
一片閒情忘是非
庭前白雲常不掃

月夜

廣莫
二首

潭上秋光白露繁
月明僧靜敞前軒
西風不解空人意
吹送猿聲到華門

萬竹山房同朗公坐雨

涼飈疎雨帶秋聲
竹裏幽人眼倍青
世上而今渾似醉
逢人休說獨為醒

清明

文貞 二首

笙歌聲雜哭聲邊
細柳柔桑織暮烟
舊塚未荒新塚起
年年只見減平田

楊若木自京師歸又往新城賦寄

楊子無心賦逐貧
天涯書劒尚隨身
舌端儻自餘三寸

莫學荆山泣別人

樵李直妙源上人

智證

天涯飄泊幾經春
今日逢君柳色新
未問預知鄉國寺
雲山依舊碧嶙峋

過新鄉訪郭原仲庶子先寄此詩 行志

柳色萋迷路不分
飛沙半疊馬頭雲
到來莫訝輕相訪
未過黃河已識君

江上懷徒靜觀

玄覺 二首

蒹葭蒼蒼露未晞
漢江秋色遠霏微
此時回首新豐道
宛見松門一衲衣

重過梅溪姪女家

其夫善卜

記得梅花溪水濱
乘槎何必問通津
吾家為有支機石
重訪成都賣卜人

山居

了證

山居檢點惜秋光
黃葉盈堦詩滿床
籬菊半開猶未晚
寒蛩何事預淒涼

題風光太子樓

樓在水西寺有唐宣宗遺像

正勉

三首

翠華曾逐白雲留
佛界中分帝子樓
像外風光不殊昔
爽溪寒帶去龍愁

咏新燕

江海秋風自憶歸
楊花春社又飛飛
托身亦愛茅堂穩
不傍朱門振紫衣

暮春送埋菴遊武林

桃花落盡柳花飛
江草萋萋送衲衣
君去西湖春欲暮

勝遊幾日又東歸

售房別榴花

大泓

樓前榴樹昔親栽
同歷冰霜幾歲來
品物也知新易主
故含秋色向人開

和雪大師新秋之作

持衡

豆花放白柳疎黃
水面風來心骨涼
日落秋聲何處起
江天吹斷鷺鷥行

題野航

智舷 二首

汎艇秋湖漁者稀
船頭船尾雪鷗飛
偶然放到茅菴畔
載得白頭僧共歸

新笋

茅屋斜連竹徑開
年年春笋破堦苔
請看簷外千竿玉
若箇不從土裏來

古今禪藻集卷二十八